

ԲԻԻԶԱՆԴ ԳԵՈՐԳԵԱՆ ԲԱՐԵՐԱՐԸ

Posted on April 24, 2014 by Keghart



Category: [Opinions](#)



Հարցազրոյց՝ Համօ Մոսկովեանի, Պէյրուք 8 Ապրիլ 2014

Համօ Մոսկովեան.- *Պրն. Բիւզանդ Գեորգեան, կը փափաքինք որ ծանօթացնէք Ձեր օրինակելի գործունէութիւնը՝ Սփիւռքի եւ Մայր Հայրենիքի մէջ:*

✖ Բիւզանդ Գեորգեան.- Անկախ եմ որեւէ կուսակցական պատկանելիութենէ եւ կը ցանկանամ բարեսիրական ներդրումս կատարել հայ ազգի զաւակներուն բարօրութեան համար:

Լիբանանի մէջ իմ գործունէութիւնս կը ծաւալի 50-է աւելի անկար ու չքաւոր հայ ընտանիքներուն սնունդը ապահովելու լիբանանահայ Գարակեօգեան, ԼՕԽ, Սոֆիա Յակոբեան, Սուրբ Յակոբ եկեղեցւոյ եւ այլ հաստատութիւններու ընկերային ծառայողներու օգնութեամբ: Կը ծրագրենք այդ օգնութիւնը մինչեւ 100 ընտանիքի հասցնել, մանաւանդ սուրիահայ գաղթօճախին եւ մասնաւորաբար մեր սիրելի Զեսապի ապրած արհաւիրքի օրերուն համար: Աղիտեալ ընտանիքներուն մեր կարելիութեան սահմաններուն մէջ նեցուկ կանգնելու եւ թերեւցնելու համար անոնց տառապանքը:

Հարցազրոյց՝ Համօ Մոսկովեանի, Պէյրուք 8 Ապրիլ 2014

Համօ Մոսկովեան.- *Պրն. Բիւզանդ Գեորգեան, կը փափաքինք որ ծանօթացնէք Ձեր օրինակելի գործունէութիւնը՝ Սփիւռքի եւ Մայր Հայրենիքի մէջ:*

✖ Բիւզանդ Գեորգեան.- Անկախ եմ որեւէ կուսակցական պատկանելիութենէ եւ կը ցանկանամ բարեսիրական ներդրումս կատարել հայ ազգի զաւակներուն բարօրութեան համար:

Լիբանանի մէջ իմ գործունէութիւնս կը ծաւալի 50-է աւելի անկար ու չքաւոր հայ ընտանիքներուն սնունդը ապահովելու լիբանանահայ Գարակեօգեան, ԼՕԽ, Սոֆիա Յակոբեան, Սուրբ Յակոբ եկեղեցւոյ եւ այլ հաստատութիւններու ընկերային ծառայողներու օգնութեամբ: Կը ծրագրենք այդ օգնութիւնը մինչեւ 100 ընտանիքի հասցնել, մանաւանդ սուրիահայ գաղթօճախին եւ մասնաւորաբար մեր սիրելի Զեսապի ապրած արհաւիրքի օրերուն համար: Աղիտեալ ընտանիքներուն մեր կարելիութեան սահմաններուն մէջ նեցուկ կանգնելու եւ թերեւցնելու համար անոնց տառապանքը:

Հ. Մ.- *Ի՞նչ աշխատանք կը տանիք Արցախի կապակցութեամբ:*

Բ.Գ.- Գործունէութիւն կը ծաւալեմ ԱՐԻ կազմակերպութեան որպէս գործօս անդամ: Այնտեղ ձեռնարկած ենք 50 նոր բնակարաններու շինարարութեան, որոնք 3 ու 4 սենեականոց արդիական կառոյցներ են: Արդէն իսկ 10 տուն հասած է աւարտին: Ծրագիրը 150 բնակարանի շինարարութիւնն է: 50 բնակարանի փոխարժեքը ԱՐԻ 3-ը ապահոված է, իսկ մնացեալ 100 բնակարանները պիտի հասցնենք աւարտին, նոյնիսկ Սիջին Արեւելքի այս դժուարին պայմաններուն մէջ: Յիշեցնեմ որ Լիբանանի հայութեան արդէն ծանօթ է ԱՐԻՆ եւ անոր հայրենասիրական արդիւնաբեր

գործունեության, որպես հայրենաշէն կազմակերպութիւն: Հայը միշտ անկարելին կարելի կը դարձնէ: Մենք նաեւ վերաքննիչ մըն ալ նշանակած ենք շինարարութեան ընթացքին վրայ, հակառակ որ ոչ մէկ կասկած ունինք Արցախի պետութեան անբասիրութեան վրայ: Յառաջիկայ Սեպտեմբեր -Հոկտեմբեր 2014-ին, 50 բնակարաններ կառուցուած կ'ըլլան եւ պիտի փորձենք մնացեալ բնակարաններու կառուցման անհրաժեշտ ներդրումները ապահովել նաեւ Լիբանանէն եւ այլ երկիրներէն:



Հ. Մ.- *Վերջերս, Զեսապի աղէտէն ետք, Հայաստանի Խորհրդարանի պատուիրակութեան հետ գրոյց-հանդիպման ընթացքին՝ քննարկուեցաւ Սուրիահայերուն մէկ մասը տեղափոխել Հայաստան եւ Արցախ: Այդ մասին ի՞նչ է Ձեր կարծիքը:*

Բ. Գ.- Զեսապը արդէն երկրորդ Հայաստան մըն է եւ անպայման պէտք է Զեսապ վերադառնալ, պահելու-պահպանելու հայկական Կիլիկիոյ վերջին ոստանը: Արդէն իսկ շուրջ 10,000 սուրիահայեր ներգաղթած են Հայաստան եւ Արցախ: Դժբախտաբար, Արցախի մէջ շատ գործ կայ երկրագործական ազատ տարածութիւններուն մէջ, սակայն բնակարան չկայ: Արդէն Գամիշլիէն հայրենադարձները այնտեղ կ'աշխատին ու դրամ կը շահին՝ վերադարձնելով մեր ներդրումները: Կը կարծեմ որ եթէ Արցախը զօրացնենք բնակարաններով՝ շատ մը սուրիահայեր եւ այլ երկիրներէ հայրենադարձներ պիտի ուզեն Արցախ բնակիլ: Մենք մեր կարելին պիտի ընենք որպէսզի Արցախը վերաբնակեցնենք, պետութիւնն ալ իր կարելի բոլոր միջոցները կը տրամադրէ յաջողութեան համար: Հսկայական փոփոխութիւններ եւ դրական յառաջընթաց նկատելի է ազատատենչ լեռնաշխարհի ամէն բնագաւառի մէջ: Մեր միակ նպատակը բնակարաններու թիւն ու քանակը աւելցնել է:

Երկրագործութիւնն ու անասնաբուծութիւնը զարգացող բնագաւառներ են Արցախի մէջ: Կաթնամթերքներու արտադրութեան համար ալ կը ծրագրուին փոքր գործարաններ կառուցել երկիրը ինքնաբաւ դարձնելու համար: Հակառակ Լիբանանի հայութեան դժուարին իրավիճակին, մեր յոյսը դեռ չենք կորսնցուցած Սփիւռքի հայրենասիրութեան եւ առատաձեռնութեան վրայ՝ Մայր Հայրենիքի եւ հերոս Արցախի պահպանման համար:



Հ. Մ.- *Ի՞նչ է Ձեր խօսքն ու պատգամը մեր հայրենակիցներուն:*

Բ. Գ.- Ամէն հայ պէտք է օգտակար դառնայ: Մէկ թէ հազարաւոր տոլարներով, ամէն մէկը իր կարողութեան չափով: Պէտք է հասկնալ հայրենաշինութեան կարեւորութիւնը եւ Մայրենի հողին յաւերժութիւնը....:

